



Lub Ob Hlis Hnub Tim 2 Xyoo 2022

Nyob zoo ib tsoom niam txiv thiab tus saib xyuas::

Kev Cuv Npe Kawm Kindergarten rau xyoo kawm ntawv 2022-23 yuav muaj txhua hnub, pib hnub Wednesday, lub Peb Hlis hnub tim 2 xyoo 2022, tim txhua lub tsev kawm them pib hauv cheeb tsam Clovis Unified (CUSD). Yuav kom muaj feem cuv npe rau Kindergarten, tus me nyuam yuav tsum muaj tsib (5) xyoos ua ntej lossis ua ntej Lub Cuaj Hlis hnub tim 1, 2022. Ib zaug ntxim, peb cov tsev kawm yuav muaj lub hwm tsam cuv npe ua ntej nyob rau hauv online. Qhov kev cuv npe ua ntej yuav muaj qhib thaum Lub Ob Hlis hnub tim 23 xyoo 2022 thaum 10:00 hmoo sawv ntxov thiab mus nrhiav tau hauv CUSD lub website (<https://www.cusd.com/>). Niam txiv tuaj yeem cuv tau npe rau lawv tus me nyuam thiab xa cov ntaub ntawv tso npe lossis teem sijhawm nqa cov ntaub ntawv tso npe mus rau lub tsev kawm nyob rau lawv taj tsam. Yog xav tau kev pab nrog kev cuv npe hauv online, niam txiv lossis tus saib xyuas mus tau rau ntawm lub tsev kawm nyob rau lawv taj tsam thaum tsev kawm qhib pib hnub Wednesday, Lub Peb Hlis hnub tim 2 xyoo 2022.

Transitional Kindergarten yuav muaj rau kev kawm ntawv xyoo 2022-23. Yog koj tus me nyuam yuav muaj tsib xyoo nraub nrab Lub Cuaj hli hnub tim 2 xyoo 2022 thiab Lub Ob Hlis hnub tim 2 xyoo 2023, koj cuv tau nws lub npe kawm Transitional Kindergarten hauv Clovis Unified tau. Transitional Kindergarten yog thawj xyoo kawm ntawm ob xyoo kev kawm Kindergarten (xyoo ib-Transitional Kindergarten thiab xyoo ob-Kindergarten) uas siv cov ntaub ntawv kawm uas tsim kho kom tsim nyog rau hnub yug thiab kev loj hlob. Kev cuv npe kawm Transitional Kindergarten yuav siv online ib yam li kev cuv npe rau Kindergarten thiab.

Lub sijhawm uas cuv npe rau Kindergarten/Transitional Kindergarten, thov npai ntaub ntawv raws li hauv qab:

- Daim ntawv pov thawj yug lossis lwm yarn ntawv yug, xws li daim ntawv pov thawj uas kev cai raus dej (yuav tsum tsis pub dhau tshaj 30 hnub);
- Pov thawj chaw nyob: muab ib daim xws li — daim ntawv them se rau tsev; ntawv xauj tsev; tw thev nqi tsev; nqe fai fab PG&E; nqi dej, nqi khib nyiab; tw tshev tom haujlwm; nyiaj xoom qhaub; tw tshev welfare; ntaub ntawv tom Department of Social Services; tw tshev cov nyiaj ua se; daim npav xaiv nom; lossis ntaub ntawv yuav vaj tsev uas qhia hnub kaw ua ntej 45 hnub;
- **Daim ntawv pov thawj txhaj tshuaj rau:** Polio, MMR (Measles, Mumps, Rubella), DTP (Diphtheria-Tetanus-Pertussis), Hepatitis B series (3 txhaj tshuaj dhau 6 lub hlis) and Varicella (Chickenpox). ***Saib tom qab daim ntawv no kom paub ntxiv txog kev txhaj tshuaj thwj hnub nyoog***

Kev cuv npe kawm rau xyoo 2022-23 rau txhua tus tub ntxhais kawm tshiab rau qib 1-12 yuav pib tim txhua lub tsev kawm hnub Wednesday, Lub Peb Hlis hnub tim 9 xyoo 2022. Kev cuv npe ua ntej hauv online pib hnub Wednesday, Lub Ob Hlis hnub tim 23 xyoo 2022.

Raws li xeev California txoj cai SB 277, kev zam kev txhaj tshuaj vim kev ntseeg tsis siv lawm. Ua ntej thawj hnub kawm, tsev kawm ntawv toob kas daim ntawv qhia txog TB Risk Assessment lossis kuaj tsis muaj TB. Xeev California txoj cai toob kas koj tus me nyuam mus kuaj hniav ua ntej Lub Tsib Hlis hnub tim 31 rau xyoo ib ntawm kev kawm. Yog tias nws twb kuaj hniav nyob rau 12 lub hlis ua ntej nws mus kawm ntawv lawm ces yuav li. Tsis tas li ntawv, kuj toob kas kev soj ntsuam ib ce lub sijhawm uas nyob nraub nrab 18 lub hlis ua ntej tus me nyuam mus kawm qib 1 txog rau 90 hnub tom qab kawm qib ib. Ntaub ntawv soj ntsuam ib ce yuav tsum muaj tiav rau daim "Report of Health Examination for School Entry" (PM171 A).

Kom yooj yim rau koj, CUSD Sierra Vista Children's Health Center muaj kev txhaj tshuaj thiab CHDP kev kuaj ib ce, yuav tsum teem sijhawm xwb, rau cov me nyuam uas muaj feem:

Sierra Vista Elementary School
Children's Health Center
510 Barstow Avenue – Clovis
Monday – Thursday
8:30am-4:00pm
327-7976

Sau npe,

Eimear O'Brien, Ed.D.
Thawj Tswj Koog Tsev Kawm

Governing Board

Hugh Awtrey
David DeFrank
Steven G. Fogg, M.D.
Yolanda Moore
Elizabeth J. Sandoval
Tiffany Stoker Madsen

Administration

Eimear O'Brien, Ed.D.
Superintendent

Norm Anderson
Deputy Superintendent

Robyn Castillo, Ed.D.
Associate Superintendent

Corrine Folmer, Ed.D.
Associate Superintendent

Barry S. Jager, Jr.
Associate Superintendent

Michael Johnston
Associate Superintendent